

Naalagaaffiit Peqatigiit sulisuisa inuillu Naalagaaffiit Peqatigiinnut attaveqartut isumannaatsuunissaat pillugu nunat tamalaat isumaqatigiissutaannut nammineq tapiliussinnasamik Danmarkip atuuttussanngortitsineranut Kalaallit Nunaanni Namminersorlutik Oqartussat isumaqataallutik nalunaaruteqarnissaannut aalajangiiffigisassatut siunnersuut.

(Naalakkersuisut Siulittaasuat)

Saqqummiussissut

Naalakkersuisut sinnerlugit matumuuna Naalagaaffiit Peqatigiit sulisuisa inuillu Naalagaaffiit Peqatigiinnut attaveqartut isumannaatsuunissaat pillugu nunat tamalaat isumaqatigiissutaannut (9. december 1994-imeersumut) isumaqatigiissummut tapiliussap (8. december 2005-imeersup) atuuttussanngortinneqarneranut Kalaallit Nunaanni Namminersorlutik Oqartussat oqaaseqaateqarnissaat pillugu aalajangiiffigisassatut siunnersuut matumuuna saqqummiutissavara.

Danskit naalakkersuisuisa naatsorsuutigaat piaarnerpaamik Danmarkip isumaqatigiissummut tapiliussaq, danskit inatsisaasa imaluunniit allaffissornikkut periaasiisa allanngortinneqarnissaannik pisariaqartitsilersussatut nalilerneqanngitsoq, akuerissagaa. Kalaallit Nunaata kissaatigissappagu isumaqatigiissummut tapiliussaq akuerineqassaaq Kalaallit Nunaat nunatut immikkoortutut naaggaarsinnaatitaatillugu. Isumaqartoqarporli pitsaanerpaassasoq isumaqatigiissummut tapiliussaq aamma nunat tamalaat isumaqatigiissutaat nunami sumiiffinni assigiinni siammarsimassappata. Nunat tamalaat isumaqatigiissutaat naalagaaffeqatigiinnut tamanut atuuttussanngortitaareerpoq.

Nunat tamalaat isumaqatigiissuteqarneratigut Naalagaaffiit Peqatigiinni sulisut naalagaaffinni isumaqatigiissuteqartuni suliaqartut illersorneqarnissaannut sillimmartaarutissat atorneqalerput. Taamatuttaaq naalagaaffiit pisussaaffeqalerlutik Naalagaaffiit Peqatigiit sulisuinut aallartitanut tunngatillugu nunat inatsisaasa ingerlaannarnissaat isumagisassagaat taamatullu Naalagaaffiit Peqatigiit sulisui pisussaaffeqalerlutik nunat inatsisaannik malinninnissaminnut.

Isumaqatigiissummut tapiliussakkut nunat tamalaat isumaqatigiissutaasa atuuffii annertusineqarput aammattaaq Naalagaaffiit Peqatigiit iliuserisaannut inunnut naakkittartuunissamut naalakkersuinernulluunniit imaluunniit eqqissisaaniarluni ineriartortitsinermut ikiuunnermut imaluunniit inunnut ajornartorsiulersunut ikiuunnermut atuuttussanngorlugit. Pissusissamisussaaq siunnersuutigerusunnarlunilu isumaqatigiissummut tapiliussaq nunat tamalaat isumaqatigiissutaattulli nunani taakkunani siammarsimassappat. Isumaqatigiissummut tapiliussaq Kalaallit Nunaanni Inatsisit allaffissornikkullu periaatsit allanngortinneqarnissaannik pisariaqalersitsissanngilaq.

Maannakkut Kalaallit Nunaannik oqaaseqaateqaqqusineq Kalaallit Nunaanni Naalagaaffiup Sinniisoqarfianit allaganngorlugu tiguneqarpoq 29. juli 2010-mi. Allakkami tusarniaasimaneq taamanikkut Namminersornerullutik Oqartussanut ulloq 2. august 2007-mi

nassiunneqarsimasoq eqqaaneqarpoq. Innersuussutigineqassaaq Nunanut Allanut Ministeriaqarfik taamanikkut tusarniaasimanermit akissummik tigusaqarsimanngimmat.

Danskit naalackersuisuisa Kalaallit Nunaat oqaaseqaateqaqqaat 6. september 2010 nallertinnagu, tassami kissaatigineqarmat isumaqatigiissummut tapiliussap Naalagaaffeqatigiinnut tamanut sapinngisamik piaarnerpaamik atuuttussanngortinneqarnissaa. Naalackersuisut pissusissamisoortutut isigaat isumaqatigiissummut tapiliusseq Kalaallit Nunaat sinnerlugu akuersissutigineqassappat.

Tamakku tunngavigalugit Naalackersuisut sinnerlugit aalajangiiffigisassatut siunnersuut Inatsisartunut akuersaaqqullugu suliassanngortippata kaammattuutigissallugulu Kalaallit Nunaanni Namminersorlutik Oqartussat isumaqataaffigisagaat Naalagaaffiit Peqatigiit sulisuisa inuillu Naalagaaffiit Peqatigiinnut attaveqartut isumannaatsuunissaat pillugu nunat tamalaat isumaqatigiisutaannut tapiliusseq Kalaallit Nunaannut atuuttussanngortinneqassasoq.